



**PEKELILING AKADEMIK
BILANGAN 6 TAHUN 2021**

**PEMAKLUMAN MENGENAI PELAKSANAAN
PENGAJARAN DAN PEMBELAJARAN (PdP) BAGI
SESI AKADEMIK 2021/2022 DI UNIVERSITI
TEKNIKAL MALAYSIA MELAKA**

Pejabat Pendaftar
25 Oktober 2021

Disalinkan kepada:

Naib Canselor
Timbalan Naib Canselor (Akademik & Antarabangsa)
Timbalan Naib Canselor (Penyelidikan & Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri & Masyarakat)
Penolong Naib Canselor (Pembangunan & Pengurusan Fasiliti)
Pegawai-Pegawai Kanan
YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTeM 100-1/3/6 (8)

25 Oktober 2021

PEKELILING AKADEMIK BIL. 6/2021

PEMAKLUMAN MENGENAI PELAKSANAAN PENGAJARAN DAN PEMBELAJARAN (PdP) BAGI SESI AKADEMIK 2021/2022 DI UNIVERSITI TEKNIKAL MALAYSIA MELAKA

1.0 TUJUAN

Pekeling Akademik ini bertujuan untuk memaklumkan kepada semua staf dan pelajar mengenai pelaksanaan Pengajaran dan Pembelajaran (PdP) bagi Sesi Akademik 2021/2022 di Universiti Teknikal Malaysia Melaka.

2.0 LATAR BELAKANG

- 2.1 Melalui beberapa Perutusan Khas YAB Perdana Menteri sejak 16 Mac 2020 sehingga kini mengenai penularan virus COVID-19, kerajaan telah memutuskan untuk pelaksanaan Perintah Kawalan Pergerakan (PKP), Perintah Kawalan Pergerakan Bersyarat (PKPB) dan Perintah Kawalan Pergerakan Pemulihan (PKPP) mulai 18 Mac sehingga kini.
- 2.2 Buat masa ini, semua negeri di Malaysia sedang menghadapi Pelan Pemulihan Negara mengikut Fasa 1, 2, 3 dan 4 termasuk Negeri Melaka.
- 2.3 Kementerian Pengajian Tinggi (KPT) juga sangat prihatin terhadap perkara ini dan telah mengeluarkan Soalan Lazim pada 14 September 2021 berkenaan Kemasukan Pelajar Institusi Pendidikan Tinggi (IPT) secara fizikal bagi sesi akademik tahun 2021/2022 bagi memastikan penularan virus COVID-19 di kampus dapat dikawal dan juga memastikan keperluan program akademik dapat berjalan dengan baik.

3.0 PELAKSANAAN PENGAJARAN DAN PEMBELAJARAN (PdP) BAGI SESI AKADEMIK 2021/2022

- 3.1 Mesyuarat Senat Bilangan 9/2021 yang bersidang pada 29 September 2021 telah bersetuju meluluskan cadangan pelaksanaan PdP bagi Sesi Akademik 2021/2022 iaitu bagi Semester I dan Semester II Sesi 2021/2022.
- 3.2 Pelaksanaan PdP bagi Sesi Akademik 2021/2022 adalah secara kaedah tiga (3) mod berbeza iaitu:
 - i. Kaedah Mod PdP secara dalam talian sepenuhnya,
 - ii. Kaedah Mod PdP secara hibrid, dan
 - iii. Kaedah Mod PdP secara bersemuka (fizikal).
- 3.3 Pengendalian kursus dan aktiviti PdP ini merangkumi program akademik yang ditawarkan kepada semua kursus peringkat prasiswazah dan pascasiswazah.
- 3.4 Fakulti/Pusat Tanggungjawab perlu mengenal pasti kursus yang akan mengikut tiga (3) kaedah mod ini. Fakulti/Pusat Tanggungjawab perlu menyusun jadual aktiviti PdP (sama ada mod fizikal, mod hibrid atau mod dalam talian) ini bagi memastikan PdP tetap dijalankan dengan baik dan sentiasa mengikut keperluan kursus yang telah ditetapkan dalam program masing-masing.
- 3.5 Bagi Semester I Sesi 2021/2022, pelaksanaan PdP secara dalam talian sepenuhnya dijalankan pada dua (2) minggu pertama iaitu bermula pada 4 Oktober 2021 sehingga 15 Oktober 2021. Aktiviti PdP secara bersemuka (fizikal), bermula pada minggu ketiga (3) atau 18 Oktober 2021 mengikut Kalendar Akademik UTeM yang berkuat kuasa.
- 3.6 Bagi Semester II Sesi 2021/2022, pelaksanaan PdP adalah secara tiga (3) kaedah yang dinyatakan seperti di Perkara 3.2.
- 3.7 Semua kursus yang ditawarkan pada Sesi Akademik 2021/2022 juga boleh dilaksanakan secara *blended learning*. Komponen PdP secara dalam talian masih diperlukan bagi setiap kursus.

- 3.8 Bagi pelajar berkeperluan yang dibenarkan pulang ke kampus (sama ada duduk di Kolej Kediaman atau Luar Kolej Kediaman), mereka boleh menjalani Kaedah PdP secara dalam talian, hibrid atau secara bersemuka mengikut kesesuaian kursus.
- 3.9 Bagi pelajar yang tidak pulang ke kampus, mereka masih menjalani PdP secara dalam talian mengikut keperluan program.
- 3.10 Bagi kursus yang menjalankan PdP secara hibrid, sebahagian pelaksanaan kursus dijalankan secara bersemuka (fizikal) dan sebahagian lagi masih dijalankan secara dalam talian.
- 3.11 Bagi setiap kursus yang dijalankan secara bersemuka (sama ada mod fizikal atau mod hibrid), Fakulti mesti memastikan pelaksanaan PdP perlu mengikut SOP yang telah ditetapkan. Ia bertujuan bagi membantu pelaksanaan PdP dan berusaha mengurangkan risiko penularan wabak dan memastikan SOP penjarakan sentiasa dipatuhi sepenuhnya.
- 3.12 Pensyarah perlu merekodkan sesi PdP secara bersemuka secara video atau bentuk yang bersesuaian dan memastikan untuk menggunakan *Learning Management System* (LMS) bagi memudahkan pembelajaran pelajar yang menjalankan sesi PdP secara dalam talian.
- 3.13 Fakulti mestilah menyediakan QR code mySejahtera di setiap pintu masuk makmal/bilik kuliah dan di setiap fasiliti atau premis yang melibatkan aktiviti PdP.
- 3.14 Berdasarkan panduan pengendalian program yang telah dikeluarkan oleh MQA atau Badan Akreditasi, Universiti boleh membuat penyelarasan dan pengubahsuaian terhadap kaedah penilaian bagi setiap kursus yang ditawarkan.
- 3.15 Oleh yang demikian, Fakulti mestilah memastikan pemilihan penilaian pelajar bagi mengendalikan sesuatu kursus memenuhi keperluan badan akreditasi program masing-masing.
- 3.16 Bagi kursus yang membuat penilaian secara dalam talian, Fakulti mestilah merujuk kepada garis panduan penilaian dan peperiksaan dalam talian yang telah dikeluarkan oleh Universiti. Proses penilaian juga perlu

menitikberatkan ciri-ciri keselamatan dan integriti yang bersesuaian selaras dengan keperluan program bagi menjamin agar penilaian dilaksanakan dengan adil, sah dan telus.

- 3.17 Setiap program juga wajib membuat pemantauan terhadap setiap penilaian yang dibuat supaya setiap pelajar jelas dan boleh mengikuti sesi penilaian.
- 3.18 Pelaksanaan PdP secara bersemuka dengan kehadiran pelajar di Bilik Kuliah/Makmal/Bengkel seumpama secara fizikal mestilah mematuhi garis panduan yang telah ditetapkan oleh Universiti.
- 3.19 Sekiranya Fakulti/Institut melakukan aktiviti fizikal di Bilik Seminar/Ruang Penyelidikan/Penilaian *Proposal/ Defense*/Peperiksaan Viva dan sebagainya, disarankan membuat aktiviti ini secara terancang supaya tiada aktiviti perkumpulan yang boleh dilihat.
- 3.20 Aktiviti-aktiviti berbentuk projek, bengkel ataupun apa-apa aktiviti penyelidikan yang berkeperluan juga boleh dijalankan secara fizikal dengan memastikan SOP yang ketat dipatuhi.
- 3.21 Peperiksaan akhir akan dijalankan sepenuhnya dalam talian. Walau bagaimanapun, bagi aktiviti penilaian berterusan, kaedah mod penilaian adalah mengikut keperluan program. Fakulti mestilah memastikan kaedah mod penilaian yang sesuai bagi mengurangkan risiko penularan wabak dan memastikan setiap penilaian hanya dijalankan dengan satu (1) kaedah mod penilaian sahaja.

4.0 TARIKH KUAT KUASA

Pelaksanaan Pengajaran dan Pembelajaran (PdP) bagi Sesi Akademik 2021/2022 di Universiti Teknikal Malaysia Melaka bagi program prasiswazah dan pascasiswazah ini berkuat kuasa mulai 4 Oktober 2021.

Sekian, terima kasih.

“WAWASAN KEMAKMURAN BERSAMA 2030”
“BERKHIDMAT UNTUK NEGARA”
“KOMPETENSI TERAS KEGEMILANGAN”

Saya yang menjalankan amanah,



MASDZARIF BIN MAHAT
Ketua Pegawai Operasi
Universiti Teknikal Malaysia Melaka